

摛藻堂四庫全書薈要

史部

欽定四庫全書

後漢書要卷三千八百六十九

史部

後漢書卷三十四

梁 刺 令劉 昭補并注

百官志第二十四

百官一

太傅 太尉 司徒 司空 將軍

漢之初興承繼大亂兵不及戢法度草創略依秦制後嗣因循至景帝感吳楚之難始抑損諸侯王及至武帝多所改作然而奢廣民用匱乏世祖中興務從節約并

官省職費減億計所以補復殘缺及身未改而四海從風中國安樂者也昔周公作周官分職著明法度相持王室雖微猶能久存今其遺書所以觀周室牧民之德既至又其有益來事之範殆未有所窮也故新汲令王隆作小學漢官篇諸文倜說較略不完案胡廣注隆此篇其論之注曰前安帝時越騎校尉劉千秋校書東觀好事者樊長孫與書曰漢家禮儀叔孫通等所草創皆隨律令在理官藏于几閣無紀錄者久令二代之業闇而不彰誠宜撰次依擬周禮定位分職各有條序令人無愚智入朝不惑君以公族元老正丁其任焉可以已劉君甚然其言與邑子通人郎中張平子參議未定而劉君遷為宗正

衛尉平子為尚書郎太史令各務其職未暇恤也至順
帝時平子為侍中典校書方作周官解說乃欲以漢次
述漢事會復遷河間相遂莫能立也述作之功獨不易
矣既感斯言顧見故新汲令王文山小學為漢官篇略
道公卿内外之職旁及四夷博物條暢多所發明足以
知舊制儀品蓋法有成易而道有因革是以聊集所宜
為作詁解各隨其下綴續後事令世施行庶明
厥旨廣前後憤盈之念增助來哲多聞之覽焉唯班固
著百官公卿表記漢承秦置官本末訖于王莽差有條
貫然皆孝武奢廣之事又職分未悉世祖節約之制宜
為常憲故依其官簿粗注職分以為百官志臣昭曰本
志既久是

注曰百官簿今昭又採異同俱為細字如或相冒兼應
注本注尤須分顯故凡是舊注通為大書稱本注曰以

表其異凡置官之本及中興所省無因復見者既在漢書

百官表不復悉載

太傅上公一人

大戴記曰傳者費也賈生曰天子不喻于先聖

之德不知君民之道不見禮義之正詩書無宗學業不

法此太師之責也古者齊太公職之天子不惠于庶民

不禮于大臣不中于折獄無經于百官不哀于喪不敬

于祭不戒于齊不信于事此太傅之責也古者周公職

之天子處位不端受業不敬言語不叙音聲不中進退

升降不以禮俯仰周旋無節此太保之責也古者燕召

公職之天子燕業反其學左右之習詭其師答諸侯遇

大臣不知文雅之辭言語之道簡聞少誦不博不習此

少師之責也天子居處出入不以禮衣服冠帶不以制

御器列側不以度采服從好不以章忿悅不以義與奪

不以節此少傳之責也天子居處燕私安而易樂而耽
飲食不時醉飽不節寢起早晏無常玩好器弄無制此
少保之責也此古天子自輔弼之禮也自為天子
而賢智維之故能慮無失計舉無過事終身得中本注
曰掌以善導無常職世祖以卓茂為太傅薨因省其後
每帝初即位輒置太傅錄尚書事薨輒省胡廣注曰猶
古家宰總已之義也案靈帝之初以陳蕃為太傅蕃誅以胡廣代始
不止一人也董卓在長安又自尊為太師位在太傅上
應劭漢官儀曰太師古官也平帝元年孔光以太傅見
授詔太師無朝十日一賜發賜靈壽杖省中施坐置几
太師入省中用杖自是而闕入漢官云太傅長史一人
秩千石掾屬二十四人令史御屬二十二人荀綽晉百
官表注曰漢太傅置掾屬十人御屬
一人令史十二人置長史與漢異

太尉公一人

應劭曰自上安下曰尉武官悉以為稱前書曰秦官鄭玄注月令亦曰秦官尚書中

候云舜為太尉東晉據非秦官以此追難玄焉臣昭曰
緯候衆書宗貴神詭出沒隱顯動挾誕怪該虧陰陽徵
迎起伏或有先徵時能後驗故守寄構思雜稱曉輔通
儒達好時略文沛公輸益州具于張衡之詰無口漢輔
炳乎尹敏之諷圖讖紛偽其俗多矣太尉官實司天虞
舜作宰璇衡賦政將是據後位以書前非唐官之實號
乎太尉所職即舜所掌遂以同掌追稱太尉乃中候之
妄蓋非官之為謬康成淵博自注中候裁及注禮而忘
舜位豈其實哉此是不發譏于中候而正之于月令也
廣微之謂未探碭意說苑曰當堯之時舜為司徒新論
曰昔堯試于大麓者領錄天子事如今尚書官矣古史
考曰舜居百揆總領百事說者以百揆堯初別置于周
更名家宰斯其然矣

本注曰掌四方兵事功課歲盡即奏其殿最

而行賞罰凡郊祀之事掌亞獻大喪則告謚南郊凡國
有大造大疑則與司徒司空通而論之國有過事則與
二公通諫爭之世祖即位為大司馬

漢官儀曰元狩六年罷太尉法周制

置司馬時議者以為漢軍有官候千人司馬故加大為大司馬所以別異大小司馬之號

建武二十

七年改為太尉

蔡質漢儀曰府開闢王莽初起大司馬後篡盜神器故遂貶去其闢漢官儀曰

張衡云明帝以司馬司空府欲復更太尉府時公趙憲也西曹掾安衆鄭均素好名節以為朝廷新造北宮整飭官寺早懃為虐民不堪命曾無殷湯六事周宣雲漢之辭今府本館陶公主第舍員職既少自足相容憲表陳之即聽許其冬臨辟雍厯二府見皆壯麗而太尉府獨卑陋顯宗東顧歎息曰稚牛縱酒勿令乞兒為宰時

憲子世為侍中驂乘歸具白之憲以為恨頻譴責均均
自効去道發病亡古今注曰永平十五年更作太尉司
徒司空府開陽城門內與此不同臣昭
案劉虞為大司馬而與太尉並置焉

長史一人千石

盧植禮注曰如周小宰本注曰署諸曹事掾史屬二十四人本注

曰漢舊注東西曹掾比四百石餘掾比三百石屬比二百石故曰公府掾比古元士三命者也或曰漢初掾史辟皆上言之故有秩比命士其所不言則為百石屬其後皆自辟除故通為百石云

漢書音義曰正
曰掾副曰屬

西曹主府

史署用東曹主二千石長吏遷除及軍吏戶曹主民戶

祠祀農桑奏曹主奏議事辭曹主辭訟事法曹主郵驛

科程事尉曹主卒徒轉運事賊曹主盜賊事決曹主罪

法事兵曹主兵事金曹主貨幣鹽鐵事倉曹主倉穀事

黃閣主簿錄省衆事

應劭漢官儀曰世祖詔方今選舉賢俊未嘗錯用丞相故事四科取

士一曰德行高妙志節清白二曰學通行脩經中博士三曰明達法令足以決疑能案章覆問文中御史四曰剛毅多略遭事不惑明足以決才任三輔令皆有孝悌廉公之行自今以後審四科辟召及刺史二千石察茂才尤異孝廉之吏務盡實覈選擇英俊賢行廉潔平端於縣邑務授試以職有非其人臨計遇署不便習官事書疏不端正不如詔書有司奏罪名并正舉者又舊河堤謁者世祖改以三府掾屬為謁者領之遣起御史中

丞刺史或為小郡監察黎陽謁者世祖以幽州兵騎定天下故于黎陽立營以謁者監之兵騎千人復除甚重謁者任輕多放情態順帝改用公解府掾有清名威重者遷超牧守焉漢官目錄曰建武十二年八月乙未詔書三公舉茂才各一人廉吏各二人光祿歲舉茂才四行各一人察廉吏三人中二十石歲察廉吏各一人廷尉大司農各二人將兵將軍歲察廉吏各一人二人監察御史司隸州牧歲舉茂才各一人令史及御屬二十三人本注曰漢舊注公令史百石自中興以後注不說石數御屬主為公御苟綽晉百官表注曰御屬如錄事也閣下令史主閣下威儀事記室令史主上表章報書記門令史

史主閣下威儀事記室令史主上表章報書記門令史
主府門其餘令史各典曹文書應劭漢官儀有官騎三十人

司徒公一人

孔安國曰主徒衆教以禮義

本注曰掌民事凡教民

孝悌遜順謙儉養生送死之事則議其制建其度凡四

方民事功課歲盡則奏其殿最而行賞罰凡郊祀之事

掌省牲視濯大喪則掌奉安梓宮凡國有大疑大事與

太尉同世祖即位為大司徒

漢官儀曰王莽時議以漢無司徒官故定三公之號

儀曰司徒府與蒼龍閣對厭于尊者不敢號府應劭曰

此不然丞相舊位在長安時府有四出門隨時聽事明帝本欲依之迫于太尉司空但為東西門耳國每有大議天子車駕親幸其殿殿西王侯以下更衣并存每歲州郡聽採長吏臧否民所疾苦還條奏之是為之舉謠

言者也頃者舉謠言者援屬今史都會殿上主者大言某州郡行狀云何善者同聲稱之不善者各爾銜枚大較皆取無名勢其中或有愛憎微裁點陟之暗昧也若乃中山祝恬踐周名之列當軸處中忘謇諤之節憚首尾之譏懸囊捉撮無能清澄其與申屠須責鄧通王嘉封還詔書邈矣乎周禮有外朝干賓注曰禮司徒府中百官朝會殿天子與丞相決大事是外朝之存者建武二十七年去大

漢舊儀
日哀帝

元壽二年以丞相為大司徒郡國守長史上計事竟遣公出庭上親問百姓所疾苦記室掾史一人大音讀敕畢遣勅曰詔書殿下禁吏無苛暴丞史歸告二千石順民所疾苦急去殘賊審擇良吏無任苛刻治獄決訟務得其中明詔憂百姓困于衣食二千石帥勸農桑思稱厚恩有以賑贍之無煩挽奪民時今日公卿以下務歸儉恪奢侈過制度以益甚二千石身帥有以化之民冗食者請諭以法養視疾病致醫藥務治之詔書無飾廚

養至今未變又更過度甚不稱歸告二千石務省約如
法且案不改者長吏以聞官寺鄉亭漏敗墻垣弛壞不
治無辨護者不勝任先自効不應法歸告二千石聽十
年更名相國案獻帝初董卓自大尉進為相國而司徒
不省及建安末曹公為丞相都慮為御史大夫則罷三
公官荀綽晉百官表注曰漢丞相府門無闌不設鈴不
警鼓言其深大
漢官目
潤遠無節限也
長史一人
漢官目錄曰三
十令史及御屬三十六人本注曰世祖即位以武帝故
事置司直居丞相府助督錄諸州建武十八年省也
獻帝

起居注曰建安八年十二月復置司直不屬司徒掌督
中都官不領諸州九年十二月詔司直比司隸校尉坐
同席在上假傳置從
事三人
書佐四人

司空公一人

馬融曰掌營城郭
主司空土以居民

本注曰掌水土事凡營

城起邑浚溝洫修墳防之事則議其利建其功凡四方

水土功課歲盡則奏其殿最而行賞罰凡郊祀之事掌

掃除樂器大喪則掌將校復土凡國有大造大疑諫爭

與太尉同

韓詩外傳曰三公之得者何曰司馬司空司徒也司馬主天司空主土司徒主人故陰陽

不和四時不節星辰失度災變非常則責之司馬山陵崩池川谷不通五穀不殖草木不茂則責之司空君臣

不正人道不和國多盜賊民怨其上則責之司徒故三公典其職憂其分舉其辨明其得此之謂三公之事

世祖即位為大司空

應劭漢官儀曰綏和元年罷御史大夫官法周制初置司空議者又

以縣道官獄司空故覆加大為

建武二十七年去大

漢舊

大司空亦所以別大小之文
儀曰御史大夫勅上計丞長史曰詔書殿下布告郡國
臣下承宣無狀多不究百姓不蒙恩被化守長史到郡
與二千石同力為民興利除害務有以安之稱詔書郡
國有茂才不顯者言殘民貪污煩擾之吏百姓所苦務
勿任用方察不稱者刑罰務于得中惡惡止其身選舉
民侈過度務有以化之間今歲善惡孰與往年對上問
今年盜賊孰與往年得無有羣輩大賊封上臣昭案獻
帝建安十三年又罷司空置御史大夫御史大夫郗慮
慮免不得補荀綽晉百官表注曰獻帝屬長史一人千
置御史大夫職如司空不領侍御史

屬長史一人千

石掾屬二十九人

漢官目錄云二十四人

令史及御屬四十二人

將軍不常置本注曰掌征伐背叛比公者四第一大將

軍次驃騎將軍次車騎將軍又有前後左右

將軍

蔡質漢儀曰漢興置大將軍驃騎位次丞相車騎衛將軍左右前後皆金紫位次上卿典京師兵衛

四夷七警

初武帝以衛青數征伐有功以為大將軍欲尊寵

之以古尊官唯有三公皆將軍始自秦晉以為卿號故

置大司馬官號以冠之其後霍光王鳳等皆然成帝綏

和元年賜大司馬印綬罷將軍官世祖中興吳漢以大

將軍為大司馬景丹為驃騎大將軍位在公下及前後

左右雜號將軍衆多皆主征伐事訖皆罷

魏略曰曹公置都護軍中

尉置護軍將軍亦皆比
二千石從軍並止罷

明帝初即位以弟東平王蒼有

賢才以為驃騎將軍以王故位在公上數年後罷章帝
即位西羌反故以舅馬防行車騎將軍征之還後罷和
帝即位以舅竇憲為車騎將軍征匈奴位在公下還復
有功遷大將軍位在公上復征西羌還免官罷安帝即
位西羌寇亂復以舅鄧騭為車騎將軍征之還遷大將
軍位如憲數年復罷自安帝政治衰缺始以嫡舅耿寶
為大將軍常在京都順帝即位又以皇后父兄弟相繼

為大將軍如三公焉

梁冀別傳曰元嘉二年又加冀禮儀大將軍朝到端門若龍門謁者

將引增掾屬舍人令

長史司馬皆

東觀書曰

史官騎鼓吹各十人

長史司馬皆一人千石

東觀書曰竇憲作大

將軍置長史司馬員吏官屬位次太傅

本注曰司馬主兵如太尉從事中

郎二人六百石本注曰職參謀議

東觀書曰大將軍出

掾屬二十九人

案本傳東平王作驃騎掾史四十人

令史及御屬三十一

人本注曰此皆府員職也又賜官騎三十人及鼓吹

應劭

漢官儀曰鼓吹二十人非常員舍人十人

其領軍皆有部曲大將軍營五部

部校尉一人比二千石軍司馬一人比千石部下有曲

曲有軍候一人比六百石曲下有屯屯長一人比二百
石其不置校尉部但軍司馬一人又有軍假司馬假候
皆為副貳其別營領屬為別部司馬其兵多少各隨時
宜門有門候其餘將軍置以征伐無員職亦有部曲司
馬軍候以領兵其職吏部集各一人總知營事兵曹掾
史主兵事器械稟假掾史主稟假禁司又置外刺刺姦
主罪法明帝初置度遼將軍以衛南單于衆新降有二
心者後數有不安遂為常守

應劭漢官儀曰度遼將軍孝武皇帝初用范明友明

帝十八年行度遼將軍事安帝元初元年置真銀印青
綬秩二千石長史司馬六百石東觀書云司馬二人

後漢書卷三十四

謹案卷三十三第十一頁後八行大如管簾刊本

大訛入據毛本吹

第十四頁前七行膚施刊本膚訛慮據監本毛本
改



總校官庶吉士臣張能照

校對官檢討臣蕭九成

謄錄監生臣郭文炤

欽定四庫全書叢要

史部

後漢書卷三十五至三十七



詳校官內閣侍讀臣孫球

欽定四庫全書

後漢書卷三千八百七十

史部

後漢書卷三十五

梁 刺 令劉 昭補并注

百官志第二十五

百官二

太常 光祿勳 衛尉 太僕
廷尉 大鴻臚

太常卿一人中二千石

盧植禮注曰
如大樂正

本注曰掌禮儀祭

祀每祭祀先奏其禮儀及行事常贊天子

漢舊儀曰贊
一人秩六

百石掌
贊天子 每選試博士奏其能否大射養老大喪皆奏其

禮儀每月前晦察行陵廟

漢官曰員吏八十五人其十二人四科十五人佐五人假

佐十三人百石十五人騎吏九人學事十六人守學事臣昭曰凡漢官所載列職人數今悉以注雖頗為繁益

周禮列官陳人役於前以為民極實觀國制此則宏模不可闕者也

丞一人比千石

盧植禮注

樂正如小本注曰掌凡行禮及祭祀小事總署曹事

漢舊儀曰

丞舉廟中其署曹掾吏隨事為員諸卿皆然非法者

太史令一人六百石本注曰掌天時星歷凡歲將終奏
新年歷凡國祭祀喪娶之事掌奏良日及時節禁忌凡

國有瑞應灾異掌記之

漢官儀曰太史待詔三十七人其六人治歷三人龜卜三人盧

宅四人日時三人易筮二人典禳九人籍氏許氏
典昌氏各三人嘉法請雨解事各二人醫二人

人明堂及靈臺丞一人二百石本注曰二丞掌守明堂

靈臺靈臺掌候日月星氣皆屬太史

漢官曰靈臺待詔四十二人其十四

人候星二人候日三人候風十二人候氣三人候晷景七人候鍾律一人舍人

博士祭酒一人六百石本僕射中興轉為祭酒

胡廣曰官名祭

酒皆一位之元長者也古禮賓客得主人饌則老者一人舉酒以祭於地舊說以為示有先

博士十

四人比六百石本注曰易四施孟梁丘京氏尚書三歐

陽大小夏侯氏詩三魯齊韓氏禮二大小戴氏春秋二

公羊嚴顥氏掌教弟子國有疑事掌承問對本四百石

宣帝增秩

本紀桓帝延熹二年置祕書監

太祝令一人六百石本注曰凡國祭祀掌讀祝及迎送

神

漢舊儀曰廟祭太祝令主席酒漢官曰員吏四十一人其二人百石二人斗食二十二人佐二人學事四

人守學事九人有秩百五十人祝人宰二百四十二人屠者六十人

丞一人本注曰掌祝

小神事

太宰令一人六百石本注曰掌宰工鴟姐饌具之物凡

國祭祀掌陳饌具

漢官曰明堂丞一人二百石員吏四十二人其二人百石二人斗食二十

三人佐九人有秩二人學事四人守學事宰二百四十二人屠者七十三人衛士一十五人

丞一人

太子樂令一人六百石本注曰掌伎樂凡國祭祀掌請

奏樂及大饗用樂掌其陳序

漢官曰員吏二十五人其二人百石二人斗食七人

佐十人學事四人守學事樂人八佾舞三百八十人盧植禮注曰太子令如古大胥漢大樂律卑者之子不得

舞宗廟之酌除吏二千石到六百石及闕內侯到五大夫子取達子高五尺已上年十二到三十顏色和身體

修治者以

丞一人

盧植禮注曰大樂丞如古小胥

為舞人

高廟令一人六百石本注曰守廟掌案行掃除無丞

漢官

曰員吏四人衛士一十五人

世祖廟令一人六百石本注曰如高廟

漢官曰員吏六人衛士二十人

先帝陵每陵園令各一人六百石本注曰掌守陵園案

行掃除丞及校長各一人本注曰校長主兵戎盜賊事

應劭漢官名秩曰丞皆選孝廉郎年少薄伐者遷補府長史都官令漢司馬

先帝陵每陵食官令各一人六百石本注曰掌望晦時

節祭祀

漢官曰每陵食監一人秩六百石監丞一人三百石中黃門八人從官二人案食監即是食官

號令

右屬太常本注曰有祠祀令一人後轉屬少府有

太卜令六百石後省并太史中興以來省前凡十

官

案前書十官者太宰均官都水雍大祝五畤各一尉也東觀書曰章帝又置祀令丞延光元年

省

光祿勳卿一人中二千石本注曰掌宿衛宮殿門戶典

謁署郎更直執戟宿衛門戶考其德行而進退之

胡廣曰黜

猶閽也易曰為閭寺宦
守主殿宮門戶之職

郊祀之事掌三獻

漢官曰員吏四十四人其

十人四科三人百石二人斗食二人佐六人騎吏八人學事十三人守學事一人官醫衛士八十一人丞

一人比千石

五官中郎將一人比二千石本注曰主五官郎

蔡質漢儀曰中郎

郎解其府對太學

五官中郎比六百石本注曰無員

郎年五十以屬五官

故曰六百石

五官侍郎比四百石本注曰無員

五官郎中比

三百石本注曰無員凡郎官皆主更直執戟宿衛諸殿

門出充車騎唯議郎不在直中

蔡質漢儀曰三署郎見光祿勳執板拜見五官

左右將執板不拜於三公諸卿無敬

左中郎將比二千石本注曰主左署郎

蔡質漢儀曰郎中解其府府次

官五中郎比六百石侍郎比四百石郎中比三百石本

注曰皆無員

右中郎將比二千石本注曰主右署郎中郎比六百石侍郎比四百石郎中比三百石本注曰皆無員三郎並無員

虎賁中郎將比二千石本注曰主虎賁宿衛

前書武帝置期門平

帝更名虎賁蔡質漢儀曰主虎賁千五百人無常員多至千人戴鶡冠次右將府又虎賁舊作虎奔言如虎之奔也王莽以古有勇士益賁故名焉孔安國曰若虎賁獸言其甚猛

左右僕射左右陛長各一人比六百石本注曰僕射主虎賁郎習射陛長主

直虎賁朝會在殿中

漢官曰陞長墨綬銅印

虎賁中郎比六百石

虎賁侍郎比四百石虎賁郎中比三百石

荀綽晉百官表注曰虎賁

諸郎皆父死節從虎賁比二百石

四郎本注曰皆無員掌

宿衛侍從自節從虎賁久者轉遷才能差高至中郎

羽林中郎將比二千石本注曰主羽林郎

案漢末又有四中郎將皆

師征伐不知何時置董卓為東中郎將盧植為北中郎將獻帝以曹操為南中郎將

羽林郎比

三百石本注曰無員掌宿衛侍從常選漢陽隴西安定

北地上郡西河凡六郡良家補本武帝以便馬從獵還

宿殿陞巖下室中故號巖郎

前書曰初置名建章營騎後更名出補三百石丞尉

荀綽晉百官表注曰言其嚴厲整銳也案此則為嚴郎
與志不同蔡質漢儀曰羽林郎百一十八人無常員府
次虎貞府

羽林左監一人六百石本注曰主羽林左騎漢官曰孝
廉郎作主

羽林九百人二監官屬史吏皆出自羽林中有材者作

丞一人

羽林右監一人六百石本注曰主羽林右騎丞一人

奉車都尉比二千石本注曰無員

漢官曰三人

掌御乘輿車

駙馬都尉比二千石本注曰無員

漢官曰五人

掌駙馬

騎都尉比二千石本注曰無員

漢官曰

本監羽林騎

光祿大夫比二千石本注曰無員

漢官曰三人

凡大夫議郎

皆掌顧問應對無常事唯詔命所使凡諸國嗣之喪則

光祿大夫掌弔

太中大夫千石本注曰無員

漢官曰二十人秩比二千石

中散大夫六百石本注曰無員

漢官曰三十人秩比二千石

諫議大夫六百石本注曰無員

胡廣曰光祿大夫本為中大夫武帝元狩五年

置諫大夫為光祿大夫世祖中興以為諫議大夫又有太中中散大夫此四等於古皆為天子之下大夫視列

國之上卿

漢

官曰三十八

議郎六百石本注曰無員

漢官曰五十人無常員

謁者僕射一人比千石本注曰為謁者臺率主謁者天子出奉引古重習武有主射以督錄之故曰僕射

蔡質漢儀

見尚書令對揖無
謁者見執板拜之

常侍謁者五人比六百石本注曰

主殿上時節威儀

漢官曰謁者三十人其二
人公府掾六百石持使也

謁者三十

人其給事謁者四百石其灌謁者郎中比三百石本注

曰掌賓贊受事及上章報問將大夫以下之喪掌使弔

本員七十人中興但三十人

荀綽晉百官表注曰漢皆用孝廉年五十歲容嚴恪

能賓者為之明帝詔曰謁者乃堯之尊官所以試舜賓于四門四門穆穆者也昔燕太子使荆軻劫始皇變起兩楹之間其後謁者持匕首刺高祖偃武行文故易之以板初為灌謁者滿歲為給事謁者幕質漢儀曰出府丞長史陵令皆選儀容端正奉使者

右屬光祿勲本注曰職屬光祿者自五官將至羽林右監凡七署自奉車都尉至謁者以文屬焉舊有左右曹秩以二千石上殿中主受尚書奏事平省之世祖省使小黃門郎受事車駕出給黃門郎兼有請室令車駕出在前請所幸徼車迎白示重

慎中興但以郎兼事訖罷又省車戶騎凡三將淳如

曰主車曰車郎及羽林令
主戶衛曰戶郎

衛尉卿一人中二千石本注曰掌宮門衛士宮中徼循
事漢官曰員吏四十一人其九人四科二人二百石文
學三人百石十二人斗食二人佐十三人學事一人
官醫衛士
六十人丞一人比千石

公車司馬令一人六百石本注曰掌宮南闕門凡吏民

上章四方貢獻及徵詣公車者

獻帝起居注曰建安八年議郎衛林為公車司

馬令位隨將大夫舊公車令與都官長史位從將大夫自林始
丞尉各一人本注曰丞

選曉諱掌知非法尉主闕門兵禁戒非常

胡廣曰諸門部各陳屯夾

道其旁當兵以示威武
交戰以遮妄出入者

南宮衛士令一人六百石本注曰掌南宮衛士

漢官曰員吏九

十五人衛士五
百三十七人丞一人

北宮衛士令一人六百石本注曰掌北宮衛士

漢官曰員吏七

十二人衛士四
百七十二人丞一人

左右都侯各一人六百石

周禮司寤氏有夜士干寶注曰今都侯之屬

本注

曰主劔戟士徼循宮及天子有所取考

漢官曰右都侯員吏二十二人

衛士四百一十六人左都候員吏二十八人衛士三百八十三人蔡質漢儀曰宮中諸有劾奏罪左都候執戟戲車縛送付詔獄在官大小各付所屬以馬被覆見尚書令尚書僕射尚書皆執板拜見丞郎皆揖丞各

一人

宮掖門每門司馬一人比千石本注曰南宮南屯司馬

主平城門

漢官曰員吏九人衛士百二人古今注曰建武十三年九月初開此門

北宮門

蒼龍司馬主東門

案雒陽宮門名為蒼龍闕門漢官曰員吏六人衛士四十人

玄武

司馬主玄武門

漢官曰員吏二人衛士三十八人

北屯司馬主北門

漢官曰員吏一百人衛士三十八人

北宮朱爵司馬主南掖門

漢官曰員吏四人衛士百人

二十四人古今注曰永平二年十東明司馬主東門官漢
一月初作北宮朱爵南司馬門

曰員吏十三人朔平司馬主北門漢官曰員吏五人凡
衛士百八十人

東明司馬主東門

漢官曰員吏五人凡
衛士百一十七人

七門漢官曰凡員吏皆隊長佐凡居宮中者皆有口籍於門之所屬

宮名兩字為鐵印文符案省符乃內之胡廣曰符用木

長尺二寸鐵印

以符若外人以事當入本官長史為封棨傳其有官位
之

出入令御者言其官

右屬衛尉本注曰中興省旅賚令衛士一人丞

漢官

目錄曰古三
御太尉所部

太僕卿一人中二千石本注曰掌車馬天子每出奏駕

上鹵簿用大駕則執馭

漢官曰員吏七十人其七人四科一人二百石文學八人百石

六人斗食七人佐六人騎吏三人假佐三十一人學事一人官醫

丞一人比千石

考工令一人六百石本注曰主作兵器弓弩刀鎧之屬

成則傳執金吾入武庫及主織綬諸雜工

漢官曰員吏百九人左

右丞各一人

車府令一人六百石本注曰主乘輿諸車

漢官曰員吏二十四人

丞一人

未央廄令一人六百石本注曰主乘輿及廄中諸馬

漢官

曰員吏七十人卒駒二十人長樂廄丞一人

漢官曰員吏十五人卒駒二十人首蓿苑官田

所一人守之

右屬太僕本注曰舊有六廄皆六百石令

前書曰有大廄

未央家馬三令各五丞一尉又車府路輶騎馬駿馬四令丞晉灼曰六廄名也主馬萬匹

中興

省約但置一廄後置左駿令廄別主乘輿御馬後

或并省又有牧師苑皆令官主養馬分在河西六
郡界中中興皆省唯漢陽有流馬苑但以羽林郎

監領

古今注曰漢安元年七月置承華廄令秩六百石

廷尉卿一人中二千石

應劭曰兵獄同制故稱廷尉

本注曰掌平獄

奏當所應凡郡國讞疑罪皆處當以報

胡廣曰讞質也漢官曰員吏百四十人其十一人四科十六人二百石廷吏文學十六人百石十三人獄史二十七人佐二十六人騎吏三十人假佐一

正左監各一人

前漢有左右監平世祖省右而猶曰左

左平一

人六百石本注曰掌平決詔獄

右屬廷尉本注曰孝武帝以下置中都官獄二十

六所各令長名世祖中興皆省唯廷尉及雒陽有

詔獄

蔡質漢儀曰正月旦百官朝賀光祿勲劉嘉

廷尉趙世各辭不能朝高賜舉奏皆以被病

篤困空文武之位闕上卿之贊既無忠信斷金之

用而有敗禮傷化之尤不謹不敬請廷尉治嘉罪

河南尹治世罪議以世

掌廷尉故轉屬他官

大鴻臚卿一人中二千石

周禮象胥于寶注曰今鴻臚

本注曰掌諸

侯及四方歸義蠻夷其郊廟行禮贊導請行事既可以
命辟司諸王入朝當郊迎典其禮儀及郡國上計匡四

方來亦屬焉

漢官曰員吏五十五人其六人四科二人二百石文學六人百石一人斗食十四人

佐六人騎吏十五人學士五人官醫永元十年大臣應順上言百郡計吏觀國之光而舍逆旅崎嶇私館直裝

衣物敝朽暴露朝會邈遠事不肅給昔霸國盟主耳舍
諸侯終隸人子產以為大譏況今四海之大而可無乎
和帝嘉納其言即創業焉

皇子拜王贊授印綬及拜諸侯諸侯嗣子及四方夷狄封者臺下鴻臚召拜之王薨則使弔之及拜王嗣永一人比千石

大行令一人六百石本注曰主諸郎

漢官曰員吏四十人

丞一人

治禮郎四十七人

漢官曰其四人四科五人二百石文學五人百石九人斗食六人佐六人

學事十二人守學事東觀書曰主齋祠僕贊九賓又有公室主稠中都官斗食以下功次相補案盧植禮注曰

大行郎亦如謁者魚舉形貌

右屬大鴻臚本注曰承秦有典屬國別主四方夷

狄朝貢侍子成帝時省并大鴻臚中興省驛官別

火二令丞如淳曰漢儀注別火獄令官主治改火事及郡邸長丞但令

郎治郡邸漢官目錄曰右三官司徒所部

後漢書卷三十五

後漢書卷三十五考證

百官志二省前凡十官注延光元年○光何焯校本改平

治禮郎四十七人注上稠中都官○稠當作調

後漢書卷三十五 考證

欽定四庫全書
後漢書卷三十六

史部

後漢書卷三十六

梁 刺 令劉昭補并注

百官志二十六

百官三 宗正 大司農 少府

宗正卿一人中二千石本注曰掌序錄王國嫡庶之次及諸宗室親屬遠近郡國歲因計上宗室名籍若有犯法當髡以上先上諸宗正宗正以聞乃報決胡廣曰又歲一治諸

王世譜差序秩第漢官曰員吏四十一人其六人四科
一人二百石四人百石三人佐六人騎吏二人法家十

八人學事一人官醫丞一人比千石

諸公主每主家令一人六百石丞一人三百石本注曰
其餘屬吏增減無常

漢官曰主簿一人秩六百石僕一人秩六百石私府長一人秩六百石

東觀書曰其主薨無子置傳一人守其家

右屬宗正本注曰中興省都司空令丞

如淳曰
主罪人

大司農卿一人中二千石本注曰掌諸錢穀金帛諸貨
幣郡國四時上月旦見錢穀簿其逋未畢各具別之邊

郡諸官請調度者皆為報給損多益寡取相給足

漢書曰員

吏百六十四人其十八人四科九人斗食十六人二百石文學二十人百石二十五人佐七十五人學事一人

官醫丞一人比千石部丞一人六百石本注曰部丞主帑

藏古今注曰建初七年七月為大司農置丞一人秩千石別主帑藏則部丞應是而秩不同應劭漢官秩亦

云二

千石

太倉令一人六百石本注曰主受郡國傳漕穀

漢官曰員吏九

十九人丞一人

平準令一人六百石本注曰掌知物賈主練染作采色

漢官曰員吏百九十人丞一人

導官令一人六百石本注曰主春御米及作乾糒導擇
也漢官曰員吏百一十二人丞一人

右屬大司農本注曰郡國鹽官鐵官本屬司農中

興皆屬郡縣

魏志曰曹公置典農中郎將秩二千石典農都尉秩六百石或四百石典

農校尉秩比二千石所主如中郎部分別而少為校尉丞又有廩犧令六百石

掌祭祀犧牲鴈鷺之屬

漢官曰丞一人三百石員吏四十人其十一人斗食

十七人佐七人學事五人守學事皆河南屬縣給吏者

及雒陽市長

漢官曰市長一

人秩四百石丞一人二百石明法補員吏三十六人十三人百石嗇夫十一人斗食十二人佐又有械擢丞三百石別治中水官主滎陽教倉官中興水渠在馬市東有員吏六人

皆屬河南尹餘均輸等皆省

均輸者前書孟康注謂諸當所有輸於

官者皆令輸其土地所饒平其所在時賈官更於他處貨之輸者既便而官有利鹽鐵論大夫曰往者郡國諸侯各以其物貢輸往來煩雜物多苦惡或不償其費故郡置輸官以相給運而便遠方之貢故曰均輸開委府于京師以籠貨物賤則買貴則賣是以縣官不失實商賈無所利故曰平準平準則民不失職均輸則民不劬勞故二準均輸所以平萬物而便百姓也文學曰古之賦稅於民也因其所工不求所拙農人納其獲工女效其織今釋其所責其所無百姓賤買貨物以便上求間

者郡國或令民作布絮吏留難與之為市吏之所入非獨齊陶之縑蜀漢之布也亦民間之所為耳行姦賣平農民重苦必苦女工繭稅未見輸之均也縣官猥發闔門擅市即萬民並收並收則物騰躍騰躍則商賈利自市則吏容姦豪吏富商積貨儲物以待其急輕賈姦吏收以取貴未見準之平也蓋古之均輸所以齊勞逸而便貢輸非以為利而賈萬物也王隆小學漢官篇曰調均報度輸漕委輸胡廣注曰邊郡諸官請調者皆為調均報給之也以水通輸曰漕委積也郡國所積聚金帛貨賄隨時輸送諸司農曰委輸以供國用前書又有都內籍田令丞幹官鐵市兩長丞郡國諸倉農監六十五官長

丞皆屬之

少府卿一人中二千石本注曰掌中服御諸物衣服寶

貨珍膳之屬

漢官曰員吏三十四人其一人四科一人二百石五人百石四人斗食三人佐六人

騎吏十三人學事一人官醫少者小也

小故稱少府王者以租稅為公用山澤陂池之稅以供王之私用皆

作小府漢官儀曰田租芻橐以給經用

凶年山澤魚鹽市稅少府以給私用也

丞一人比千石

太醫令一人六百石本注曰掌諸醫

漢官曰員醫二百九十三人員吏十

九藥丞方丞各一人本注曰藥丞主藥方

九藥丞方丞各一人本注曰藥丞主藥方

太官令一人六百石本注曰掌御飲食

漢官曰員吏六十九人衛士三

十八人荀綽晉百官表注曰漢制太官

令秩千石丞四人秩四百石不與志同

左丞甘丞湯官

丞果丞各一人本注曰左丞主飲食甘丞主膳具湯官

丞主酒果

荀綽云甘丞掌諸甘肥
果丞別在外諸果菜茹

守宮令一人六百石本注曰主御紙筆墨及尚書財用

諸物及封泥

漢官曰員吏六十九人

丞一人

漢官曰外官丞二百石公府史府也

上林苑令一人六百石本注曰主苑中禽獸頗有民居

皆主之捕得其獸送太官

漢官曰員吏五十八人案桓帝又置鴻德苑令丞尉

各一人

侍中比二千石

漢官秩云千石周禮太僕千寶注曰若漢侍中

本注曰無員掌

侍左右贊導衆事顧問應對法駕出則多識者一人參

乘餘皆騎在乘輿車後本有僕射一人中興轉為祭酒

或置或否

蔡質漢儀曰侍中常伯選舊儒高德博學淵懿仰占俯視切問近對喻旨公卿上殿稱制

參乘佩璽東劍員本八人陪見舊在尚書令僕射下尚書上今官出入禁中更在尚書下司隸校尉見侍中執板揖河南尹亦如之人侍中舊與中官俱止禁中武帝時侍中莽河羅抉刃謀逆由是侍中出禁外有事乃入畢即出王莽秉政侍中復入與中官共止章帝元和中侍中郭舉與後宮通拔佩刀驚上舉伏誅侍中由是復外出

中常侍千石本注曰宦者無員後增秩比二千石掌侍左右從入內宮贊導內衆事顧問應對給事

黃門侍郎六百石本注曰無員掌侍從左右給事中開

通中外及諸王朝見於殿中引王就坐

漢舊儀曰黃門
郎屬黃門令日

暮入對青瑣門拜名曰夕郎宮閣簿青瑣門在南宮衛
瓘注吳都賦曰青瑣戶邊青鏤也一曰天子門內有眉
格再重裏青畫曰瑣獻帝起居注曰帝初即位初置侍
中給事黃門侍郎員各六人出入禁中近侍帷幄省尚
書事沒給事黃門侍郎為侍中侍郎去給事黃門之號
旋復復故舊侍中黃門侍郎以在中宮者不與近密交
政誅黃門後侍中侍郎出入禁闈機事頻露由是王允
乃奏比尚書不得出入不通賓客自此始也又曰諸奄
人官悉以議郎郎中稱秩如故諸署令
兩梁冠陛殿上得名都官從事以下

小黃門六百石本注曰宦者無員掌侍左右受尚書事

上在內宮開通中外及中宮已下衆事諸公主及王太
妃等有疾苦則使問之

黃門令一人六百石

董巴曰禁門曰黃闥以中人主之故號曰黃門令

本注曰

宦者主省中諸宦者

漢官曰員史十八人

丞從丞各一人本注曰

宦者從丞主出入從

黃門署長畫室署長玉堂署長各一人丙署長七人皆

四百石黃綬本注曰宦者各主中宮別處

中黃門冗從僕射一人六百石本注曰宦者主中黃門

冗從居則宿衛直守門戶出則騎從夾乘輿車

中黃門比百石本注曰宦者無員後增比三百石掌給

事禁中

掖庭令一人六百石本注曰宦者掌後宮貴人采女事

漢官曰吏從官百六十七人待詔五人員吏十人

左右丞暴室丞各一人本注

曰宦者暴室丞主中婦人疾病者就此室治其皇后貴人有罪亦就此室

永巷令一人六百石本注曰宦者典官婢侍使

漢官曰員吏六

人吏從官丞一人本注曰宦者

漢官曰右丞人暴室一人

御府令一人六百石本注曰宦者典官婢作中衣服及補浣之屬

漢官曰員吏七人吏從官三十人

丞織室丞各一人本注曰

宦者

漢官曰右丞一人

祠祀令一人六百石本注曰典中諸小祠祀

漢官曰從官吏八人

騎僕射一人丞一人本注曰宦者

家巫八人

鈞盾令一人六百石本注曰宦者典諸近池苑囿遊觀之處

漢官曰吏從官四十八人

丞永安丞各一人三百石本

注曰宦者永安北宮東北別小宮名有園觀苑中丞果

丞鴻池丞南園丞各一人二百石本注曰苑中丞主苑

中離宮果丞主果園鴻池池名在雒陽東二十里南園

在雒水南

漢官曰入有署一人胡熟監一翟龍監

應劭人案本紀桓帝人置顯陽苑丞翟龍監

漢官

秋曰秋六百石

直里監各一人四百石本注曰濯龍亦園名近

北宮直里亦園名也在雒陽城西南角

中藏府令一人六百石本注曰掌中幣帛金銀諸貨物

漢官曰員吏十三人吏從官六人

丞一人

內者令一人六百石本注曰掌中布張諸衣物

漢官曰從官祿

士一人員
吏十九人左右丞各一人

尚方令一人六百石本注曰掌上手工作御刀劍諸好

器物

漢官曰貢吏十三人
吏從官六人

丞一人

尚書令一人千石本注曰承秦所置

荀綽晉百官表注
曰唐虞官也詩云

仲山甫王之喉舌
蓋謂此人武帝用宦者更為中書謁者令成帝用

士人復故掌凡選署及奏下尚書曹文書衆事

蔡質漢儀曰故

公為之者朝會不陸奏事增
秩二千石故自佩銅印墨綬

尚書僕射一人六百石本注曰署尚書事令不在則奏

下衆事

蔡質漢儀曰僕射主封門掌授廩假錢穀凡三公列卿將大夫五營校尉行復道中遇尚書僕

射左右丞郎御史中丞侍御史皆避車豫相迴避衛士傳不得近臺官臺官過後乃得去臣昭案獻帝分置左右僕射建安四年以榮部為尚書左僕射是也獻帝起居注曰邵卒官贈執金吾

尚書六人六百石本注曰成帝初置尚書四人

韋昭曰尚奉也

分為四曹

漢舊儀曰初置五曹有三公曹主斷獄蔡質漢儀曰典天下歲盡集謀事三公尚書二人

典三公文書吏曹尚書典選舉齊祀屬三公曹靈帝末梁鵠為選部尚書

常侍曹尚書主公

卿事

蔡質漢儀曰主常侍黃門御史事世祖改曰吏曹

二千石曹尚書主郡國

二千石事

漢舊儀曰亦云主刺史蔡質漢儀曰掌中郎官水大盜賊辭訟罪眚

民曹尚書

主凡吏上書事

蔡質漢舊儀功作監池苑圍盜賊事

客曹尚書主外

國夷狄事

尚書龍作納邵曰言出入帝命應今尚書官王之喉舌

世祖承遵後分

二千石曹又分客曹為南主客曹

北主客曹蔡質漢儀曰天子出

獵駕御府凡六曹

周禮天官有司會鄭玄曰若今尚書

吏民章報及騎伯史

蔡質漢儀曰總典臺中綱紀無所不統

右丞假署印

綬及紙筆墨諸財用庫藏

蔡質漢儀曰右丞與僕射對掌授廩假錢穀與左丞無所

不統凡中宮漏夜盡鼓鳴則起鍾鳴則息衛士甲乙徵相傳甲夜畢傳乙夜相傳盡五更衛士傳言五更未明三刻後雞鳴衛士踵丞郎趨嚴上臺不畜宮中雞汝南出雞鳴衛士候朱雀門外專傳雞鳴於宮中應劭曰楚歌今雞鳴歌也晉太康地道記曰後漢固始鮑陽公安細陽四縣衛士習此曲於闕下歌之今雞鳴是也

侍郎三十六人四百石本注曰一曹有六人主作文書

起草蔡質漢儀曰尚書郎初從三署詣臺試初上臺稱守尚書郎中歲滿稱尚書郎三年稱侍郎客曹郎主治羌胡事刺遷二千石或刺史其公遷為縣令秩滿自占縣去詔書賜錢三萬與三臺祖餞餘官則否治嚴一月準謁公鄉陵廟乃發御史中丞遇尚書丞郎避車執板住揖丞郎坐車舉手禮之車過遠乃去尚書言左右丞敢告知如詔書律令郎見左右丞對揖無敬稱曰左右君丞郎見尚書執板對揖稱曰明時見令僕射執

板拜朝
賀對揖

令史十八人二百石本注曰曹有三主書後增

劇曹三人合二十一人

古今注曰永元三年七月增尚書令史員功滿未嘗犯禁者以

補小縣墨綬

蔡質曰皆選蘭臺符節上稱簡精練有吏能為之決錄注曰故事尚書郎以令史久缺補之世祖

始改用孝廉為郎以孝廉丁邯補焉邯稱疾不就詔問

實病羞為郎乎對曰臣實不病恥以孝廉為令史職耳

世祖怒曰虎賁滅頭枝之數十詔問欲為郎不邯曰能

殺臣者陛下不能為郎者臣中詔遣出竟不為郎邯字

叔春京兆陽陵人也有高節正直不撓後拜汾陰令治

有名迹遷漢中太守妻弟為公孫述將妾妻送南鄭獄

免冠徒跣自陳詔曰漢中太守妻乃繫南鄭獄誰當搔

其背垢者懸牛頭賣馬脯盜跖行孔子語以邯服罪且

邯一妻冠履勿謝

治有異卒於官

符節令一人六百石本注曰為符節臺率主符節事凡

遣使掌授節尚符璽郎中四人本注曰舊二人在中主

璽及虎符竹符之半者

漢官曰當時明法律郎周禮掌節有虎節龍節皆金也于寶注

曰漢之銅虎符則其制也周禮又曰以英蕩輔之于寶

曰英刻書也蕩竹箭也刻而書其所使之事以助三節

之信則漢之竹使符

氏亦取則於故事也符節令史二百石本注曰掌書

春秋曰中平六年

始復節上赤葆

御史中丞一人千石本注曰御史大夫之丞也舊別監

御史在殿中密舉非法

周禮掌建邦之宮刑以主治王宮之政令于寶注曰若御史中

丞

及御史大夫轉為司空因別留中為御史臺率

風俗通曰

尚書御史臺皆以官倉頭為吏主賦舍凡守其門戶幕質漢儀曰丞故二千石為之或遷侍御史高第執憲中司朝會獨坐內掌蘭臺督諸州刺史糾察百寮出為二千石魏志曰建安置御史大夫不領中丞置長史一人

後又屬少府治書侍御史二人六百石本注曰掌選明

法律者為之凡天下諸讞疑事掌以法律當其是非

蔡質

漢儀曰選御史高第補之胡廣曰孝宣感路溫舒言秋季後請讞時帝幸宣室齋居而決事令侍御史二人治書御史起此後因別置冠法冠秩百石有印綬與符節郎共平廷尉奏事罪當輕重荀綽晉百官表注曰惠帝以後無所平治備位而已侍御史十五人六百石本注曰掌察舉非

法受公卿郡吏奏事有違失舉劾之凡郊廟之祠及大

朝會大封拜則二人監威儀有違失則劾奏

蔡質漢儀曰其二人

者更直執法省中者皆糾察百官督州郡公法府掾屬
高第補之初稱守滿歲拜真出治劇為刺史二千石平

遷補令見中
丞執板揖

諭臺令史六百石本注曰掌奏及印工文書

右屬少府本注曰職屬少府者自太醫上林凡四

官自侍中至御史皆以文屬焉承秦凡山澤陂池

之稅名曰禁錢屬少府世祖改屬司農考工轉屬

太僕都水屬郡國孝武帝初置水衡都尉秩比二
千石別主上林苑有離宮燕休之處世祖省之并
其職於少府每立秋驅劉之日輒暫置水衡都尉
事訖乃罷之少府本六丞省五又省湯官織室令
置丞又省上林十池監胞人長丞宦者昆臺昆臺本名
甘泉居室

武帝改

佽飛

佽飛本名左武帝改

三令二十一丞又省

水衡屬官令長丞尉二十餘人章和以下中官稍
廣加嘗藥太官御者鉤盾尚方考工別作監皆六

百石宦者為之轉為兼副或省故錄本官

蔡質漢儀曰少

府符著出見都官從事持板都官從事入少府
見符著持板漢官目錄曰古三卿司空所部

後漢書卷三十六

欽定四庫全書
舊要卷三千八百七十二

史部

後漢書卷三十七

梁

剗

令劉昭補并注

百官志第二十七

百官四

執金吾

太子太傅

執

金

吾

子

太

太

傅

子

少

傳

將作大匠

城門校尉

比二千石

司隸校尉

北軍中候

執金吾一人中二千石

漢官秩云

本注曰掌宮外戒司

非常水火之事

胡廣曰衛尉巡行宮中則金吾
微於外相為表裏以擒姦討猾

月三繞

行宮外及主兵器吾猶禦也

應劭曰執金革以禦非常漢官曰員吏二十九人其

十人四科一人二百石文學三人百石二人斗食十三人佐學事主

緹騎丞

一人比千石漢官

秩云六百石緹騎二百人本注曰無秩比吏食奉

漢官曰執

二百人五百二十人輿服導從光滿道路羣僚

之中斯最壯矣世祖歎曰仕宦當作執金吾

緹騎

武庫令一人六百石本注曰主兵器丞一人

右屬執金吾本注曰本有式道左右中候三人六

百石車駕出掌在前清道還持麾至宮門宮門乃

開中興但一人又不常置每出以郎兼式道候事

已罷不復屬執金吾又省中壘寺互都船令丞尉
及左右京輔都尉

太子太傅一人中二千石本注曰職掌輔導太子禮如
師不領官屬荀綽晉百官表
注曰唐虞官

大長秋一人二千石本注曰承秦將行宦者景帝更為
大長秋或用士人中興常用宦者職掌奉宣中宮命凡
給賜宗親及宗親當謁見者關通之中宮出則從張晏
注曰皇

后卿丞一人六百石本注曰宦者

中宮僕一人千石本注曰宦者主馭本注曰太僕秩二
千石中興省太減秩二千石以屬長秋

中宮謁者令一人六百石本注曰宦者中宮謁者三人
四百石本注曰宦者主報中章

中宮尚書五人六百石本注曰宦者主中文書

中宮私府令一人六百石本注曰宦者主中藏幣帛諸

物裁衣被補浣者皆主之

丁孚漢儀曰中宮藏府全秩千石儀比御府令丞一

人本注曰宦者中宮永巷令一人六百石本注曰宦者

主宮人丞一人本注曰宦者

中宮黃門冗從僕射一人六百石本注曰宦者主中黃

門冗從

丁孚漢儀曰給事中宮侍郎六人比尚書郎宦者為之給事黃門四人比黃門侍郎給事羽林

郎一人比羽林將虎賁官騎下

中宮署令一人六百石本注曰宦者主中宮請署天子

數女騎六人丞復道丞各一人本注曰宦者復道丞主

中閣道

中宮藥長一人四百石本注曰宦者

右屬大長秋本注曰承秦有詹事一人位在長秋上亦宦者主中諸官成帝省之以其職并長秋是後皇后當法駕出則中謁中宦者職吏權兼詹事奉引訖罷宦者誅後尚書選兼職吏一人奉引云其中長信長樂宮者署少府一人職如長秋及餘吏皆以宮名為號員數秩次如中宮長樂五官吏朱瑞之類是也本注曰帝祖母稱長信宮故有長信少府長樂少府位在長秋上及職吏皆宦者秩次如中宮長

樂又有衛尉僕為太僕皆二千石在少府上

丁孚漢儀

日丞六百石其崩則省不常置

太子少傅二千石本注曰亦以輔導為職悉主太子官

屬

漢官曰員吏十三人

太子率更令一人千石本注曰主庶子舍人更直職似光祿

太子庶子四百石本注曰無員如三署中郎

太子舍人二百石本注曰無員更直宿衛如三署郎中

漢官曰十三人
選良家子孫

太子家令一人千石本注曰主倉穀飲食職似司農少府

太子倉令一人六百石本注曰主倉穀

太子食官令一人六百石本注曰主飲食

太子僕一人千石本注曰主車馬職如太僕

太子廄長一人四百石本注曰主車馬

太子門大夫六百石

漢官曰門大夫二
選四府掾屬

本注曰舊注云

職比郎將舊有左右戶將別主左右戶直郎建武以來省之

太子中庶子六百石本注曰員五人職如侍中

太子洗馬比六百石本注曰舊注云員十六人職如謁者太子出則當直者在前導威儀漢官曰選郎中補也

太子中盾一人四百石本注曰主周衛徼循

太子衛率一人四百石本注曰主門衛士

右屬太子少傅本注曰凡初即位未有太子官屬

皆罷唯舍人不省領屬少府

將作大匠一人二千石

蔡質漢儀曰位次河南尹光武中元二年省謁者領之章帝建

初元年復置本注曰承秦曰將作少府景帝改為將作大匠

掌修作宗廟路寢宮室陵園木土之功并樹桐梓之類

列于道側

漢官篇曰樹栗椅桐梓胡廣曰古者列樹以表道並以為林圓四者皆木名治宮室并主

之毛詩傳曰椅梓屬也陸璣草木疏曰梓實桐皮曰椅今民云梧桐是也梓今人所謂梓楸者是也

丞一

人六百石

左校令一人六百石本注曰掌左工徒丞一人

安帝復也

右校令一人六百石本注曰掌右工徒丞一人

安帝復也

右屬將作大匠

前書曰屬官又有左右中候右庫東閣主章左右前後中校士令丞

成帝

省

城門校尉一人比二千石本注曰掌雒陽城門十二所

周禮司門干寶注曰如今校尉

司馬一人千石本注曰主兵城門每門候一人

周禮每門下士

二人干寶曰如今門候

六百石

蔡質漢儀曰門候見校尉執板不拜

本注曰雒陽城

十二門其正南一門曰平城門

漢官秩曰平城門為宮門不置候置屯司馬秩

二千石李尤銘曰平城司午厥位處中
古今注曰建武十四年九月開平城門北宮門屬衛尉

其餘上西門應劭漢官曰上西所以不純白者漢家初
成故丹鏤之李尤銘曰上西在季位月惟

戊雍門銘曰雍門處中位月在酉廣陽門銘曰廣陽位

上西所

以不純白者漢家初成故丹鏤之

李尤銘曰上西在季位月惟

孟厥月在申

津門銘曰津

名自定

位季月未小苑門開陽門應劭漢官曰開陽門始成未有名宿昔有一柱來在樓上琅邪開陽

縣上言縣南城門一柱飛去光武皇帝使來識視悵然遂堅縛之刻記其年月因以名焉銘曰開陽在孟位月

惟耗門銘曰耗門值季月位在辰中東門銘曰中東處上東門銘曰上東

少陽厥位在寅穀門銘曰穀門北中位當于子夏門銘曰夏門值孟位月在亥凡十二門

蔡質漢儀曰雒陽二十四街街一亭十二城門門一亭

右屬城門校尉

北軍中候一人六百石本注曰掌監五營

漢官曰員吏
七人候自得

辟召通大鴻臚
一人斗食

屯騎校尉一人比二千石本注曰掌宿衛兵

漢官曰員
吏百二十

八人領士
七百人

司馬一人千石

蔡質漢儀曰五營司
馬見校尉執板不拜

越騎校尉一人比二千石

如淳曰越人內附以為騎也
晉灼曰取其才力超越也案

紀光武改青巾右校尉為越騎校尉
臣昭曰越人非善騎所出晉灼為允

本注曰掌宿衛兵

蔡質漢儀亦曰掌越騎漢官曰
員吏百二十七人領士七百人

司馬一人千石

步兵校尉一人比二千石

初置掌上林苑門屯兵見前書

本注曰掌宿

衛兵

漢官曰員吏七十三人領士七百人

司馬一人千石

長水校尉一人比二千石

如淳曰長水胡名也韋昭曰長水校尉典胡騎廄近長水

故以為名長水蓋中小水名

本注曰掌宿衛兵

蔡質漢儀曰主長水宣曲胡騎漢官曰員

吏百五十七人烏桓胡騎七百三十六人

司馬胡騎司馬各一人千石本注

曰掌宿衛主烏桓騎

射聲校尉一人比二千石

服虔曰工射也冥窯中間聲則射中之故以為名

本

注曰掌宿衛兵

蔡質漢儀曰掌待詔射聲事漢官曰員吏百二十九人領士七百人

司馬

一人千石

右屬北軍中候本注曰舊有中壘校尉領北軍營
壘之事有胡騎虎賁校尉皆武帝置中興省中壘
但置中候以監五營胡騎并長水虎賁主輕車并

射聲

案大駕鹵簿五校在前各有鼓吹一部

凡中二千石丞比千石真二千石丞長史六百石
比二千石丞比六百石令相干石丞尉四百石其
六百石丞尉三百石長相四百石及三百石丞尉

皆二百石諸侯公主家丞秩皆比百石諸邊鄣塞

尉諸陵校尉長皆二百石有常例者不署秩

司隸校尉一人比二千石

蔡質漢儀曰職在典京師外
部諸郡無所不糾封侯外戚

三公以下無尊卑入宮開中道稱使者每會後到先去

本注曰孝武帝初置

荀綽晉百

官表注曰司隸校尉周官也征和中陽石公主巫蠱之獄起乃依周置司隸臣昭曰周無司隸豈即司寇乎

持節掌察舉百官以下及京師近郡犯法者

前書曰置從中都官

徒千二百人捕巫蠱督大姦猾後罷其兵

元帝去節成帝省建武中復置并

領一州蔡質漢儀曰司隸詣臺廷議處九卿上朝賀處

公卿下陪卿上初除謁大將軍三公通謁持板

揖公儀朝賀無敬臺召入從事史十二人本注曰都官
宮對見尚書持板朝賀揖

從事主察舉百官犯法者蔡質漢儀曰都官主雒陽百
官朝會與三府掾同博物記功曹從事主州選署及衆事別
駕從事校尉行部則奉引錄衆事簿曹從事主財穀簿

書其有軍事則置兵曹從事主兵事其餘部郡國從事
每郡國各一人督促文書察舉非法皆州自辟除故
通為百石云假佐二十五人本注曰主簿錄閣下事省
文書門亭長主州正門功曹書佐主選用孝經師主監

試經月令師主時節祠祀律令師主平法律簿曹書佐
主簿書其餘都官書佐及每郡國各有典郡書佐一人
各主一郡文書以郡吏補歲滿一更司隸所部郡七

河南尹一人主京都特奉朝請其京兆尹左馮翊右扶
風三人漢初都長安皆秩中二千石謂之三輔中興都
雒陽更以河南郡為尹以三輔陵廟所在不改其號但
減其秩其餘弘農河內河東三郡其置尹馮翊扶風及
太守丞奉之本位在地理志

後漢書卷三十七

謹案卷三十五第四頁前六行宦寺主殿宮門戶
之職刊本宦訛官又漢官曰刊本官訛宦並據
監本改

第十二頁前一行况今四海之大而可無乎刊本
可訛百據閻本改

卷三十六第二頁後七行掌祭祀犧牲鴈鷺之屬
刊本牲訛性今改

第十頁前六行治有名迹刊本名訛古據閻本改

第十頁後四行以英篤輔之于寶曰英刻書也篤
竹箭也刊本篤並訛蕩據周禮改

卷三十七第一頁後三行執金吾緹騎二百人刊
本騎訛綺今改



總校官庶吉士臣張能照
校對官檢討臣蕭九成
謄錄監生臣劉天蒼

欽定四庫全書薈要

史部

後漢書卷

三十八至四十



欽定四庫全書叢要卷三千八百七十三

史部

後漢書卷三十八

梁

刺

令劉昭補并注

官志第二十八

百官五

州郡

縣鄉

亭里

匈奴中郎將

烏桓校尉

護羌校尉

王國

宋衛國

列侯

關內侯

四夷國

百官奉

外十有二州每州刺史一人六百石本注曰秦有監御
史監諸郡漢興省之但遣丞相史分刺諸州無常官孝

武帝初置刺史十三人秩六百石

古今注曰常以春分行部郡國各遣一吏

迎界上諸書不同也成帝更為牧秩二千石建武十八年復為刺

史十二人各主一州其一州屬司隸校尉

蔡質漢儀曰詔書舊典刺

史班宣周行郡國省察治政黜陟能否斷理冤獄以六條問事非條所問即不省一條強宗豪右田宅踰制以

強陵弱以衆暴寡二條二千石不奉詔書不遵典制倍公向私旁詔守利侵漁百姓聚斂為姦三條二千石不

卹疑獄風厲殺人怒則任刑喜則任賞煩擾苛暴刺戮黎元為百姓所疾山崩石裂妖祥訛言四條二千石選署不平苟阿所愛蔽賢寵頑五條二千石子弟怙恃榮

勢請託所監六條二千石違公下比阿附豪強通行貨賂割損政令諸州刺史初除比諸持板揖不拜獻帝起居注曰建安十八年三月庚寅省州并郡復禹貢之九

州冀州得魏郡安平鉅鹿河間清河博陵常山趙國勃
海甘陵平原太原上黨西河定襄鴈門雲中五原朔方
河東河內涿郡漁陽廣陽右北平上谷代郡遼東遼東
屬國遼西玄菟樂浪凡三十二郡省司隸校尉以司隸
部分屬豫州冀州雍州涼州刺史以并雍州部郡得
弘農京兆左馮翊右扶風上郡安定隴西漢陽北地武
都武威金城西平西郡張掖張掖屬國酒泉敦煌西海
漢興永陽東安南凡二十二郡省交州以其郡屬荊州
荊州得交州之蒼梧南海九真交趾日南與其舊所部
南陽章陵南郡江夏武陵長沙零陵桂陽凡十三郡益
州本部郡有廣漢漢中巴郡犍為蜀郡牂牁越巂益州
永昌犍為屬國蜀郡屬國廣漢屬國今并得交州之鬱
林合浦凡十四郡豫州部郡本有潁川陳國汝南沛國
梁國魯國今并得河南舞陽都尉凡八郡徐州部郡得
下邳廣陵彭城東海琅邪利城城陽東莞凡八郡青州
得齊國北海東萊濟南樂安凡五郡獻帝春秋曰孫權

以步隲行交州刺史東諸州常以八月巡行所部郡國

觀書曰交趾刺史持節

縣次

錄囚徒

胡廣曰縣邑囚徒

皆閲錄視參考辭

遂

為殿舉免之其有治能者為

職者

傳駕之以走疾猶言古附

遂

胡廣曰課第長吏不稱職者

為殿舉免之其有治能者為

職者

為殿舉免之其有治能者為

職者

為殿舉免之其有治能者為

職者

狀實其真偽有侵

考殿最

胡廣曰課第長吏不稱職者

為殿舉免之其有治能者為

職者

為殿舉免之其有治能者為

職者

為殿舉免之其有治能者為

職者

最察上尤異州又狀州中

初歲盡詣京都奏事

胡廣曰

吏民茂才異等歲舉一人

所察有

條應繩異者輒覆問之不如柔吐剛也歲盡

齋所狀納京師名奏事差其遠近各有常會

中興但因

所道皆如舊典東觀書

計吏

胡廣曰不復自詣京師其所道

皆如舊典

東觀書

和帝初張酺

上言臣聞王者法天熒惑

奏事太

微故州牧刺史入奏事所以通下問知外事也數十年

以來重其道歸煩擾故時止勿奏事今以為故事臣

愚以為刺史視事滿歲可令奏事如舊典問州中風俗恐好惡過所道事所聞見考課衆職下章所告及所自

舉有意者賞異之其尤無狀逆詔書行罪法冀勅戒其
餘令各敬慎所職於以衰減貪邪便佞韓詩外傳曰王
者必立牧方三人所以使窺遠牧衆也遠方之民有饑
寒而不得衣食獄訟而寃失職賢而不舉者入告天子
天子於其君之朝也揖而進之曰意朕之政教有不得
爾者邪如何乃有饑寒而不得衣食獄訟而寃失職賢
而不舉然後其君退而與其卿大夫謀之遠方之民聞
皆曰誠天子也夫我居之辟見我之近也我居之幽見
我之明也可欺乎哉故牧皆有從事史假佐本注曰員
者所以開四目通四聰

職畧與司隸同無都官從事其功曹從事為治中從事
豫州部郡國六冀州部九兗州部八徐州部五青州部
六荊州部七揚州部六益州部十二涼州部十二并州

部九幽州部十一交州部七凡九十八其二十七王國
相其七十一郡太守其屬國都尉屬國分郡離遠縣置
之如郡差小置本郡名世祖并省郡縣四百餘所後世
稍復增之臣昭曰昔在先代列爵殊等九服不同畿荒
庸有數如身之使臂手之使指故能高卑相固遠近維
緝羣后克穆共康兆庶爰及周衰稍競吞廣邦國侵爭
遞懷貪畧猶歷數百年乃能成其并一豈非樹之有本
使其然乎秦兼天下開設郡縣孤立獨王即以顛亡漢
祖因循雖不頃革分置子弟終龕諸呂之難漸剖列郡
以減大都之權後嚴安之徒猶忼慨發憤謂千里之威
即古之強國慮非安本無窮之計也孝武之末始置刺
史監糾非法不過六條傳車周流匪有定鎮秩裁數百

威望輕寡得有舉察之勤未生陵犯之釁成帝改牧其
萌始大既非識治之主故無取焉爾世祖中興監乎政
本復約其職還遵舊制斷親奏事省入惜煩漸得自重
之畧因茲以降彌於歲年母后當朝多以弱守六合危
動四海潰弊財盡力竭綱維撓毀而八方不能內侵諸
侯莫敢入伐豈非榦強枝弱控制素重之所致乎至孝
靈在位橫流既及劉焉徼偽自為身謀非有憂國之心
專懷狼據之策抗論昏世薦議愚主盛稱宜重牧伯謂
足鎮壓萬里挾姦樹算苟罔一時豈可永為國本長期
勝術哉夫聖主御世莫不大庇生民承其休謀傳其典
制猶云事久弊生無或通貫故變改正服革異質文分
爵三五參差不一况在暨駢之君挾姦詐之臣共所創
置哉焉可仍因大建尊州之規竟無一日之治故焉牧
益土造帝服於岷峨袁紹取冀下制書於燕朔劉表制
南郊天祀地魏祖據兗遂構皇業漢之殄滅禍原乎此
及臻後代任寄彌廣委之邦宰之命授之斧鉞之重假

之都督之威開之征討之畧晉太康之初武帝亦疑其然乃詔曰上古及中代或置州牧或置刺史置監御史皆總綱紀而不賦政治民之事任之諸侯郡守昔漢末四海分崩因以吳蜀自擅自是刺史內親民事外領兵馬此一時之宜爾今賴宗廟之靈士大夫之力江表平定天下合之為一當韜戢干戈與天下休息諸州無事者罷其兵刺史分職皆如漢氏故事出頒詔條入奏事京城二千石專治民之重監司清峻於上此經久之體也其便省州牧晉武帝又見其弊矣雖有其言不卒其事後嗣續繼牧鎮愈重據地分爭竟覆天下昔王畿之大不過千里州之所司廣袤兼遠爭強虎視之辰遷鼎草終之日未嘗不藉蕃兵之權挾董司之力逼迫伺隙陵奪冲幼其甚者臣主揚兵骨肉戰野昆弟梟懸伯叔屠裂未壯披心尾大不掉既用此始亦病以終傾軼愈襲莫或途改致雒京有銜璧之痛秦臺有不守之酷胡羌遞興氐鮮更起摩滅羣黎流禍百世堅冰所漸薰緣

茲壘嗚呼後之聖王必不久滯斯迹靈長之終當有神
算不然則雄悍反拒之事懼甚於此心憑強作害之謀
方盛於後意

凡州所監都為京都置尹一人二千石丞一人

每郡置太守一人二千石丞一人郡當邊戍者丞為長

史古今注曰建武六年三月令郡太守諸侯相病丞

長史行事十四年罷邊郡太守丞長史領丞職

王

國之相亦如之每屬國置都尉一人比二千石丞一人

本注曰凡郡國皆掌治民進賢勸功決訟檢姦常以春

行所主縣勸民農桑振救乏絕秋冬遣無害吏案訊諸

囚平其罪法論課殿最案律有無害都吏如今言公平
吏漢書音義曰文無所枉害蕭

何以文無害
為沛主吏掾

歲盡遣吏上計

盧植禮注曰計斷九月因秦以十月為正故

并

舉孝廉郡口二十萬舉一人典兵禁備盜賊景帝更名

都尉武帝又置三輔都尉各一人譏出入邊郡置農都

尉主屯田殖穀又置屬國都尉主蠻夷降者中興建武

六年省諸郡都尉并職太守無都試之役

古今注曰六年八月省都

尉官應劭曰每有劇職郡臨時置都尉事訖罷之

省關都尉唯邊郡往往置都

尉及屬國都尉稍有分縣治民比郡安帝以羌犯法三

輔有陵園之守乃復置右扶風都尉京兆虎牙都尉

應劭

漢官曰蓋天生五材民並用之廢一不可誰能去兵兵之設尚矣易稱弦木為弧剡木為矢弧矢之利以威天下春秋三時務農一時講武詩美公劉匪居匪康入耕出戰乃裹餚糧干戈載揚四方莫當自郡國罷材官騎士之後官無警備實啟寇心一方有難三面救之發興雷震煙蒸電激一切取辦黔首囂然不及講其射御用其戒誓一旦驅之以即強敵猶鳩鵠捕鷹鶲豚羊弋豺虎是以每戰常負王旅不振張角懷挾妖偽遐邇搖蕩八州并發煙炎絳天牧守梟裂流血成川爾乃遠徵三邊殊俗之兵非我族類忿鷙縱橫多僵良善以為已功財貨糞土哀夫民氓遷流之咎見出在茲不教而戰是謂棄之跡其禍敗豈虛也哉春秋家不藏甲所以一國威抑私力也今雖四海殘壞王命未洽可折衝壓難若指以掌故置右扶風皆置諸曹掾史新論曰王莽時置西海郡令其吏皆百石親事一日為四百石二歲而遷補本注曰諸曹畧史

如公府曹無東西曹

蔡質漢儀曰河南尹
掾出考案與從事同

有功曹史主

選署功勞有五官掾署功曹及諸曹事其監屬縣有五

部督郵曹掾一人正門有亭長一人主記室史主錄記

書催期會無令史閣下及諸曹各有書佐幹主文書

漢官

曰河南尹員吏九百二十七人十二人百石諸縣有秩
三十五人官屬掾史五人四部督郵吏部掾二十六人

案獄仁恕三人監津渠漕水掾二十五人百石卒吏二百

五六十人文學守助掾六十人書佐五十人循行二百
三十人幹小史

屬官每縣邑道大者置令一人千石其

次置長四百石小者置長三百石侯國之相秩次亦如

應劭漢官曰前書百官表云萬戶以上為令萬戶以下為長三邊始孝武皇帝所開縣戶數百而或為令荆陽江南七郡唯有臨湘南昌吳三令爾及南陽穰中土沃民稠四五萬戶而為長桓帝時以江南陽安為女公主邑改號為令主薨復復其故若此為繫其本俗說令長以水土為之及秩高下皆無明文班固通儒述一代之書斯近其真

本注曰皆掌治民顯善勸義禁姦罰惡理訟

平賊恤民時務秋冬集課上計於所屬郡國

胡廣曰秋冬歲盡各

計縣戶口墾田錢穀入出盜賊多少上其集簿丞尉以

下歲詣郡課校其功多尤為最者於廷尉勞勉之以

勤其後負多尤為殿者於後曹別責以糾怠慢也諸對

辭窮尤困收主者掾史關白太守使取法丞尉縛責以

明下轉相督勑為民除害也明帝詔書不得膠辱黃綬以別小人吏也

凡縣主蠻夷曰道公主所食湯沐曰國縣萬戶以上為令不滿為長侯國為相皆秦制也

史記秦并天下夷郡縣銷兵刃示不復用

丞各一人尉大縣二人小縣一人本注曰丞署文書典

知倉獄尉主盜賊凡有賊發主名不立則推索行尋案

察姦宄以起端緒

應劭漢官曰大縣丞左右尉所謂命卿三人小縣一尉一丞命卿二人

各署諸曹掾史本注曰諸曹畧如郡員五官為廷掾監

鄉部春夏為勸農掾秋冬為制度掾

漢官曰雒陽令秩千石丞三人四百

石孝廉左尉四百石孝廉右尉四百石員吏七百九十六人十三人四百石鄉有秩獄史五十六人佐史鄉佐

七十七人斗食令史嗇夫假五十人官掾史幹小
史二百五十人書佐九十人循行二百六十人

鄉置有秩三老游徼本注曰有秩郡所署秩百石

漢官

戶五千則置有秩

掌一鄉人

風俗通曰秩則田間大夫言其官裁有秩耳

其鄉小者

縣置嗇夫一人

風俗通曰嗇者省也夫賦言消息百姓均其役賦

皆主知民善惡為役先後知民貧富為賦多少平其差品三老掌教化

凡有孝子順孫貞女義婦讓財救患及學士為民法式者皆扁表其門以興善行游徼掌徼循禁司姦盜又

有鄉佐屬鄉主民收賦稅

風俗通曰國家制度大率十里一鄉

亭有亭長以禁盜賊本注曰亭長主求捕盜賊承望都

尉漢官儀曰民年二十三為正一歲以為衛士一歲為材官騎士習射御騎馳戰陣八月太守都尉令長相

丞尉會都試課殿最水家為樓船亦習戰射行船過郡太守各將萬騎行郭塞烽火追虜置長史一人丞一人

治兵民當兵行長領置都尉千人司馬候農都尉皆不

治民不給衛士材官樓船年五十六老衰乃得免為民就田應合選為亭長亭長課徵巡尉游徼亭長皆習設

備五兵五兵弓弩戟楯刀劍甲鎧鼓吏赤幘行縢帶劔佩刀持楯被甲設矛戟習射設十里一亭亭長亭候五

里一郵郵間相去二里半司姦盜亭長持二尺板以効賊索繩以收執賊風俗通曰漢家因秦大率十里一亭亭留也蓋行旅宿會之所館亭吏舊名負弩改為長或

謂亭

里有里魁民有什伍善惡以告本注曰里魁掌一里百家什主十家伍主五家以相檢察民有善事惡事以告監官

風俗通曰周禮五家為隣四隣為里里者止也里有司司五十家共居止同事春秋通其所也

邊縣有障塞尉本注曰掌禁備羌夷犯塞

太公陰符曰武王問太公

願聞治亂之要太公曰其本在吏武王曰吏者治也所以為治其亂者何太公曰故吏重罪有十武王問吏之

重罪太公曰一吏苛刻二吏不平三吏貪汚四吏以威

力迫脅於民五吏與史合姦六吏與人亡情七吏作盜

賊使人為耳目八吏賤買賣貴於民九吏增易於民十

吏振懼於民夫治者有三罪則國亂而民愁盡有之則民流亡而君失其國武王曰民亦有罪乎太公曰民有十

大於此除者則國治而民安武王曰十

大何如太公

曰民勝吏厚大臣一大也民宗強侵陵羣下二大也民甚富傾國家三大也民尊親其君天下歸慕四大也衆暴寡五大也民有百里之譽千里之交六大也民以吏威為權七大也恩行於吏八大也民服信以少為多奪人田宅贅人妻子九大也民之基業畜產為人所苦十
大也所謂一家害一里一里害諸侯諸侯害天下武王曰絕吏之罪塞民之大奈何太公曰察民之暴吏明其賞審其誅則吏不敢犯罪民不敢大也武王曰是民吏相伺上下不和而結其讐太公曰為君守成為吏守職為民守事如此各居其道則國治國治則都治都治則里治里治則家治家治則善惡分明善惡分明則國無事國無事則吏民外不懷怨內不徼事其郡有鹽官鐵官工官都水官者隨事廣狹置令長及丞秩次皆如縣道無分士給均本吏本注曰凡郡縣出鹽多者

置鹽官主鹽稅出鐵多者置鐵官主鼓鑄

胡廣曰鹽官
培坑而得鹽

或有鑿井煮海水而以得之者鑄銅為器
械當鑄治之時扇熾其火謂之鼓鑄

有工多者置工

官主工稅物有水池及魚利多者置水官主平水收漁

稅在所諸縣均差吏更給之置吏隨事不具縣員

使匈奴中郎將一人比二千石本注曰主護南單于置

從事二人有事隨事增之掾隨事為員護羌烏桓校尉

所置亦然

應劭漢官曰擁節屯中步南設官府掾史單于歲遣侍子來朝謁者常送迎焉得賂弓馬

擅屬他物百餘萬謁者事訖

還具表付帑藏詔書勅自受

護烏桓校尉一人比二千石本注曰主烏桓胡

應劭漢官曰擁

節長史一人司馬二人皆六百石并領鮮卑客賜質子歲時胡市馬晉書曰漢置東夷校尉以撫鮮卑

護羌校尉一人比二千石本注曰主西羌

應劭漢官曰擁節長史司

馬二人皆

六百石

皇子封王其郡為國每置傅一人相一人皆二千石本注曰傅主導王以善禮如師不臣也相如太守有長史如郡丞漢初立諸王因項羽所立諸王之制地既廣大且至千里又其官職傅為太傅相為丞相又有御史大

夫及諸卿皆秩二千石百官皆如朝廷國家唯為置丞

相其御史大夫以下皆自置之

胡廣曰後漢妾數無限別乃制設正適曰妃取

小夫人不得遇四十人

至景帝時吳楚七國恃其國大遂以作亂

幾危漢室及其誅滅景帝懲之遂令諸王不得治民令

內史主治民改丞相曰相省御史大夫廷尉少府宗正

博士官武帝改漢內史中尉郎中令之名

前書曰改漢內史為京兆

尹中尉為執金吾郎中令為光祿勳

而王國如故員職皆朝廷為署不得

自置至漢成帝省內史治民更令相治民

漢舊儀曰大司空何武奏

罷內史相如太守中尉如都尉參職是後中尉爭權與王相奏常不和也

太傅但曰傳

臣昭

觀

夫高祖之創業也豈直鴻勳碩德大庇羣生蕩其毒虐曆之和泰而已哉至於謀深慮久封建子弟蕃維盤固規謀弘遠及於三趙不終燕靈夭絕齊代淮楚皆為外重故宋昌曰外畏齊楚淮南斯非效與事過則弊孰或通之全國之難誠固財物之富作衛之益亦既得之於前矣故賜以几杖用息姦謀嗣隕局下怨生有以逮連師構亂兵交梁闕禦侮摧寇肇自密戚景帝遂削藩國之權刻骨肉之援封為君而不聽治其民置為主而稍賤其臣矯枉過甚遂臻於此呂霍之危朝后族愈貴於來寵吳楚之叛奔侯王恒借以受誚故賈誼欲衆建以少其力列虛以俟其生此乃達觀深識監於親陪之要者也冢嗣必傳萬里之地分支欲使動搖不得於經維遠算且已礙矣復哀平之際劉氏徧於四海宗正著錄遂以萬數及乎後漢彌循前迹光武十子並列畿外近

郡孝明八國不能開庇遠民國近則不可以大不大則不足為強此所以本枝之援終以少固若使漢分兩越置二三親國剖吳楚樹數四列蕃割遼海而分皇枝開隴蜀而王子弟使主尊顯依漢初之貴民無定限許滋養之富若有昏虐之嗣可得廢而不得削必傳劉氏民信所奉發其侵伐兼并之釁峻其他族篡殺之科制其入貢輕重之法疏其來朝往復之數君君臣臣永許百姓之期一國之民長無遷動之志四方得志聽口列封懷賢抱智隨所適樂土強弱相伴遠近相推舉其大歸畧其小滯與其畫一班之海內天子之朝自非異姓僭奪不得興勤王之師諸蕃國自非雜互篡主不降討伐之詔犬牙相經共為嚴國雖王莽善盜將河因而敢竊曹操雄勇亦安能以得土斯無俟極聖然克行明賢粗識亦足立故父子首足也昆弟四肢也當使筋骨髓血動靜足以相勝長短大小幹用足以相衛豈有割脰致腹取骨肉以增頭剗背露骨剗膏腴以裨領而謂顧

顙魁岸可得比壽松晉喉咽擁腫必能長生久視哉漢氏得之微猶能四百載魏人失之甚不滿數十年爰自晉世矯枉太過入列皇朝非簡賢之授唯親是貴無愚智之辨不能勝衣冠早據公相之尊童蒙幼子遙登槐嶽之位職應論道而未離保母之養續侯賦政而服二三尺衣英賢大度稟彼昏雅高才碩儒恭承藐識公餗覆而不憂美錦碎而愈截兼授若流迴遷競路才駕任重功勳多晚比名於公旦夕同罪於盜跖褒稱無位可以充德貶退刑轍不足以塞咎或力強濟聲實隆重嫌猜畏逼身受其弊覆滅分體若梟仇寇虜粉同氣有過他逆忠貞之士橫罹其凶志節之人狼狽其禍閑伯實沈繼踵史筆顯甫比有國書趙倫以憲愚排天齊攸以賢明謝世枉鬱殄夷寃孫就盡不可勝載矣豈周漢之君多孝悌之性晉宋之主稟豺狼之情益事勢使之然也朝行斯術夕窮崩亂未能革悛來事愈甚蒼生為此將盡矣四海為此構贊矣聖帝英君欲反斯敗

必當更開同姓之國置不增之約罷皇崩入宮之禍守
盟牲礪河之篤乃可還險墜之路反乎全安之轍也

中尉一人比二千石本注曰職如郡都尉主盜賊

東觀書曰

其紹封削絀者中尉內史官屬亦以率減

郎中令一人僕一人皆千石本注曰郎中令掌王大夫郎中宿衛官如光祿勳自省少府

職皆并焉僕主車及馭如太僕本注曰太僕比二千石

武帝改但曰僕又皆減其秩治書比六百石本注曰治

書本尚書更名大夫比六百石本注曰無員掌奉王使

至京都奉璧賀正月及使諸國本皆持節後去節謁者

比四百石本注曰掌冠長冠本員十六人後減禮樂長
本注曰主樂人衛士長本注曰主衛士醫工長本注曰
主醫藥永巷長本注曰宦者主宮中婢使祠祀長本注
曰主祠祀皆比四百石自禮樂長至此皆四百石郎中二百石本注
曰無員

衛公宋公本注曰建武二年封周後姬常為周承休公
五年封殷後孔安為殷紹嘉公十三年改常為衛公安
為宋公以為漢賓在三公上五經通義二王之後不考功有誅無絕鄭玄曰王者

存二代而封及五郊天用天子禮以祭其始祖行其正
朔此謂通三統也三恪者敬其先聖封其後而已無殊
異者也

列侯所食縣為侯國本注曰承秦爵二十等為徹侯金
印紫綬以賞有功功大者食縣小者食鄉亭得臣其所
食吏民後避武帝諱為列侯武帝元朔二年令諸王得
推恩分衆子土國家為封亦為列侯舊列侯奉朝請在
長安者位次三公中興以來唯以功德賜位特進者次

車騎將軍

胡廣漢制度曰功德優盛朝廷所敬異者賜特進在三公下不在車騎下

賜位朝

廷侯次五校尉賜位侍祠侯次大夫其餘以肺附及公
主子孫奉墳墓於京都者亦隨時見會位在博士議郎
下胡廣制度曰諸王封者受茅土歸以立社稷禮也胡廣
是為猥諸侯諸王受封皆受茅土歸立社稷本朝為宮室自有制
度至於列侯歸國者不受茅土不立宮室各隨貧富裁
制黎庶以列土特進朝侯賀正月執璧云每國置相一
守其寵人其秩各如本縣本注曰主治民如令長不臣也但納
租於侯以戶數為限其家臣置家丞庶子各一人本注
曰主侍侯使理家事列侯舊有行人洗馬門大夫凡五

官中興以來食邑千戶已上置家丞庶子各一人不滿
千戶不置家丞又悉省行人洗馬門大夫

關內侯

如淳曰列侯出關就國侯但爵身其有家累者
與之關內之邑食其租稅也古今注曰建武六年

年初令

關內侯食邑

者俸月二十五斛

承秦賜爵十九等為關內侯無土

寄食在所縣民租多少各有戶數為限

荀綽晉百官表注曰時六國未

平將帥皆家關中故以為號劉劭爵制曰春秋傳有庶

長鮑商君為政備其法品為十八級合關內侯列侯凡

二十等其制因古義古者天子寄軍政於六卿居則以

田警則以戰所謂入使治之出使長之素信者與衆相

得也故啟伐有扈乃召六卿大夫之在軍為將者也及

周之六卿亦以居軍在國也則以比長間胥族師黨正

州長卿大夫為稱其在軍也則以卒伍司馬將軍為號所以異在國之名也秦依古制其在軍賜爵為等級其帥人皆更卒也有功賜爵則在軍吏之例自一爵以上至不更四等皆士也大夫以上至五大夫五等比大夫也九等依九命之義也自左庶長以上至大庶長九卿之義也關內侯者依古折內子男之義也秦都山西以關內為王畿故曰關內侯也列侯者依古列國諸侯之義也然則卿大夫士下之品皆放古比朝之制而異其名亦所以殊軍國也古者以車戰兵車一乘步卒七十二人分翼左右車大夫在左御者處中勇士居右凡十五人一爵曰公士者步卒之有爵為公士者二爵曰上造成也古者成士升於司徒曰造士雖依此名皆步卒也三爵曰簪襄御駒馬者要襄古之名馬也駕駒馬者其形似簪故曰簪襄也四爵曰不更不更者為車右不復與凡更卒同也五爵曰大夫大夫者在車左者也六爵為官大夫七爵為公大夫八爵為公乘九爵為

五大夫皆軍吏也吏民爵不得過公乘者得貳與子若同產然則公乘者軍吏之爵最高者也雖非臨戰得公卒車故曰公乘也十爵為左庶長十一爵為右庶長十二爵為左更十三爵為中更十四爵為右更十五爵為少上造十六爵為大上造十七爵為駟車庶長十八爵為大庶長十九爵為闕內侯二十爵為列侯自左庶長已上至大庶長皆卿大夫皆軍將也所將皆庶人更卒也故以庶更為名大庶長即大將軍也左右庶長即左右偏裨將軍也古今注曰成帝鴻嘉二年令吏民得買爵級千錢

四夷國王率衆王歸義侯邑君邑長皆有丞比郡縣

百官受奉例

古今注曰建武二十六年四月戊戌增吏奉如此志例以明也

大將軍三

公奉月三百五十斛中二千石奉月百八十斛二千石

奉月百二十斛比二千石奉月百斛千石奉月八十斛
六百石奉月七十斛比六百石奉月五十斛四百石奉
月四十五斛比四百石奉月四十斛三百石奉月四十
斛比三百石奉月三十七斛二百石奉月三十斛比二
百石奉月二十七斛一百石奉月十六斛斗食奉月十
斛漢書音義曰斗食祿日以斗為計佐史奉月八斛古今注曰永和三年初與河南尹及雒陽員吏四百二十七人奉月四十五斛臣昭曰此言豈其妄乎若人人奉四十五斛則四百石秩為大優而無品若共進奉者人不過一斗亦非義理凡諸受奉皆半錢半穀荀綽晉百官表

注曰漢延平中中二千石舉錢九千米七十二斛真二
千石月錢六千五百米三十六斛比二千石月錢五千
米三十四斛一千石月錢四千米三十斛六百石月錢
三千五百米二十一斛四百石月錢二千五百米十五
斛三百石月錢二千米十二斛二百石月錢一千米九
斛百石月錢八百米四斛八斗獻帝起居注曰帝在長
安詔書以三輔地不滿千里而軍師用度非一公卿已
下不得奏除其若公田以秩石為率賦與令各自收其
租稅

贊曰帝道淵默冢帥修德寡以御衆分職乃克不置不
監無驕無忒程是師徒寧民康國

後漢書卷三十八

後漢書卷三十八考證

百官志五諸州常以八月巡行所部郡國注猶言古附
遂○何焯校本作猶古言附遂

承望都尉注過郡太守各將萬騎行障塞○過本亦作
邊

太傅但曰傳注或力強濟聲實隆重○或當作威
賜位朝廷○廷字衍

凡諸受奉皆半錢半穀注中二千石舉錢九千○舉當

作奉

後漢書卷三十八考證